



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Sodalitatis B. Mariae Virginis. siue Exercitium Spirituale Christianae Pietatis

Véron, François

Coloniae Agrippinae, 1505 [i. e. 1605]

Pars. 1. Peculiare Exercitium circa sanctissimam Trinitate[m], cum Litanis
ad sanctiss. Trinit.

[urn:nbn:de:hbz:466:1-46577](https://nbn-resolving.org/urn:nbn:de:hbz:466:1-46577)

CAPVT VI.

EXERCITIUM
REGVLAE V.

De dominici, festorumq; dierum
exercitationibus, ac de cultu San-
ctorum.

PARS PRIMA.

*Peculiare exercitium diebus Dominicis
adhibendum circa Sanctissimam Tri-
nitatem.*

Sic v r Christianis omnibus, sic Soda-
libus potissimum incumbit, vt inti-
mum quendam amorem, & obser-
uantiam sibi excitent erga Sanctissimam
Trinitatem, quâ nihil coli debet religio-
sius, nihil amari ardentius, nihil in memo-
ria versari frequentius. Ad quam singulari
studio colendam, & honorandam, dies
Dominicus à S. matre Ecclesia institutus
est; vt propterea dies iste salutaris, & vti-
lius observari non possit, quàm si eo my-
sterium recolas Sanctissimæ Trinitatis.

Hymnus

*M. Antonij
Mureti.*

Hymnus ad SS. Trinitatem.

O nullis hominum peruia sensibus,
Naturæ penitus sola capax tuæ,
Cuius condita sunt omnia numine,
Aeterna & monas, & trias.
Nato æque ve pater, Nateque par Patri,
Et manans ab utroque inclite spiritus,
Circunfusa tuo nubila lumine,
Nostro discute pectore.
Da mens per speculum cernere te queat
Nostra, & posthabitis te petat omnibus,
Eiusque tuis pendeat, & tibi
Soli dedita seruiat.
Tu clemens miseris da veniam Pater,
Tu Fili miseris sterne viam ad Patrem.
Tu sanctum miseris Pneuma vaganti-
bus
Præfer conspicuam facem.
Simplex ætherei numinis vnitas,
Quæ distincta eadem est, veraque Tri-
nitas,
Aeternis vigeat semper honoribus,
Et terra simul, & polo, Amen.

LITA.

LITANIAE AD SANCTISSIMAM TRINITATEM
ex Scripturis sacris.

Antiph. Gratias tibi Deus, gratias tibi vera
 & vna Trinitas, vna & summa Deitas,
 sancta & vna vnitas: benedicta sit sancta
 creatrix, & gubernatrix omnium,
 sancta & indiuidua Trinitas, nūc & semper,
 & per infinita secula, Amen.

K Yrie eleison. Christe eleison.
 Kyrie eleison.

Pater de cœlis Deus.

Fili redemptor mundi Deus.

Spiritus sancte Deus.

Sancta Trinitas vnus Deus.

Deus, & pater Domini nostri Iesu Christi.

Pater misericordiarum.

Pater increate, immense, & æterne.

Pater, qui à nullo es factus, nec
 creatus, nec genitus.

Pater, ex quo omnis paternitas in
 cœlis, & in terra nominatur.

Pater, qui quæris in spiritu te adorantes.

Pater, cui omnia sunt possibilia.

Pater qui es, & manes in filio.

Pater iuste & sancte.

Miserere nobis.

Pater

Pater gloriæ.

Pater spirituum.

Pater totius consolationis.

Fili ante Luciferum genui te.

Fili amator humanæ salutis.

Fili, cui data est omnis potestas in
coelo, & in terra.

Fili candor lucis æternæ.

Fili figura substantiæ Patris.

Fili rex regum, & Domine Domi-
nantium.

Fili expectatio Israel, & gentium.

Fili princeps pacis.

Fili sapientia Patris.

Fili speciose forma præ filiis ho-
minum.

Fili sol oriens ex alto.

Fili via, veritas, & vita.

Fili Altissimi, & Mariæ virginis.

Fili delectatio mentium.

Fili doctor iustitiæ.

Fili lympiditas omniū Angelorū.

Fili contemplatio Patriarcharum.

Fili illuminatio Prophetarum.

Fili norma Apostolorum.

Fili victoria martyrum.

Fili confortatio Confessorum.

Fili pastor bone omniū Pastorū.

Fili Domine & Magister Docto-
rum.

Miserere nobis.

Fili

Fili corona virginum.
 Fili caput iustorum.
 Fili mediator Dei, & hominum.
 Fili merces Sanctorum omnium.
 Spiritus sancte, à Patre Filioque
 procedens.
 Spiritus Domini, qui ferebaris su-
 per aquas.
 Spiritus replens orbem terrarum.
 Spiritus habēs omnem virtutem.
 Spiritus veritatis, omnia suggerēs.
 Spiritus sapientiæ, & intellectus.
 Spiritus cōsiliij, fortitudinis, scien-
 tiæ, & pietatis.
 Spiritus timoris Domini.
 Spiritus, quo inspirante loquuti
 sunt sancti Dei homines.
 Spiritus Domini, & promissio Pa-
 tris.
 Spiritus ex quo renascimur.
 Spiritus, in quo dæmonia eiiciun-
 tur.
 Spiritus adoptionis filiorum Dei.
 Spiritus adiuuans infirmitatē no-
 stram.
 Spiritus pignus hereditatis nostrę.
 Spiritus reddens testimoniū spi-
 rui nostro, quòd simus filij Dei.
 Spiritus principalis, viuificans, &
 confortans.

Miserere nobis.

I 2

Spi-

Spiritus fidei, pacis, & ardoris.
 Spiritus gratiæ, & misericordiæ.
 Spiritus lenitatis, & veritatis.
 Spiritus renouationis, ac sanctifi-
 cationis.

Spiritus vitæ, & patientiæ.
 Spiritus continentiae ac modestiæ.
 Spiritus suavis & super mel dulcis.
 Spiritus omnium gratiarum.

Deus, qui vnus es in substantia,
 trinus in personis.

Sancte Deus, sancte fortis, sancte,
 & immortalis.

Kyrie eleison. Christe eleison. Kyrie elei-
 son. Pater noster.

Et ne nos inducas, &c. Sed libera.

Vers. Benedicamus Patrem, & Filium, cum
 sancto Spiritu.

Resp. Laudemus, & superexaltemus eum in
 secula.

Vers. Benedicat nos Deus, Deus noster, be-
 nedicat nos Deus.

Resp. Et metuant eum omnes fines terræ.

Vers. Domine exaudi, &c.

Resp. Et clamor &c.

ORATIO. Omnipotens sempiternus
 Deus, qui dedisti famulis tuis in confessio-
 ne veræ fidei, æternæ Trinitatis gloriam
 agnoscere, & in potentia maiestatis ado-
 rare unitatem: qua sumus vt eiusdem fidei

fi. mi-

Miserere nobis.

firmitate, ab omnibus semper muniamur
aduersis Per Dominum, &c.

Custodiat me sempiterna Deitas,

Defendat me immensa Trinitas,

Dirigat me inæstimabilis bonitas,

Regat me potentia Patris:

Viuificet me sapientia Filij.

Illuminet me virtus Spiritus sancti:

Sit mihi ista inuocatio s. lus & protectio:

In nomine Patris, & Filij, & Spiritus san-
cti. Amen.

PARS SECVNDA.

*Peculiare Exercitium, iisdem diebus do-
minicis subinde adhibendū circa tres
personas SS Trinitatis.*

Quamuis Sanctiss. ac indiuiduæ Tri-
nitatis opera ad extra sint indiuisa, &
communia tribus diuinis personis; ad ani-
mitamen affectus sigillatim erga illas ex-
citandos, iuxta tres animæ potētiās, ac tria
nostrarum actionum genera, ea spectando
potissimum, quæ à SS. Patribus unicuique
personæ attribuuntur; hoc est, Patri pote-
stas; Filio Sapientia; sancto Spiritui boni-
tas; sequens exercitium subiiciendum du-
ximus.